

**Uummannap talittarfiani aserfallatsaaliuisoqarnissaa ujaqqanillu nunniukkamik malinnut illersuusiortoqarnissaa pillugu FLL 19-imut salliutitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartuni ilaasortaq Jess Svane, Siumut)

**Akissuteqaat**

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

**Aappassaaneerneqarnera**

Naalakkersuisut sinnerlugit Sanaartornermut Ataatsimiititaliap siunnersuummik suliaqarnermini sulilluarsimaneranut qutsavigerusuppara.

Naalakkersuisut nuannaarutigalugu maluginiarpaat, ataatsimiititaliap isumaqatigiissup ikittuinnarnik oqaaseqaateqarluni ukiuni tulliuttuni aningaasanut inatsisini sanaartornermut aningaasartuutissat tulleriarinermut ilanngunneqarnissaat siunertaralugu, Naalakkersuisut piaartumik Uummannap talittarfiani aserfallatsaaliuisoqarnissaanut, ujaqqanillu nunniukkamik malinnut illersuusiortoqarnissaanut pisariaqartinneqartunik, misissueqqullugit qinnuigineqarnissaanut Naalakkersuisut allannguutissatut siunnersuutaat akuerisassanngorlugu innersuukkaa.

Naalakkersuisunit siunnersuutip oqallisigineqarluarnissaa qilanaarinqarpoq.